

**ПОЛНОЕ СОБРАНИЕ
РУССКИХ ЛЕТОПИСЕЙ**

Том 31

Летописцы последней четверти XVII в.

П51

П51 ПОЛНОЕ СОБРАНИЕ РУССКИХ ЛЕТОПИСЕЙ: Том 31. Летописцы последней четверти XVII в. / – М.: Книга по Требованию, 2013. – 226 с.

ISBN 978-5-518-92971-5

МАЗУРИНСКИЙ ЛЕТОПИСЕЦ

КНИГА, ГЛАГОЛЕМАЯ ЛЕТОПИСЕЦ ВЕЛИКИЯ ЗЕМЛИ
РОСИСКИЯ, ВЕЛИКАГО ЯЗЫКА СЛОВЕНСКАГО, ОТКОЛЕ
И В КОИ ЛЕТА НАЧАША КНЯЖИТИ

л. 1

Лета от сотворения света 2242-го потоп бысть всей вселенней. ||

Лето от сотворения света 2244 по потопе во 2-е лето по благословиению отца своего Ноя Афету л. 1 об. излившуся на западныя страны и на северныя даже и до полунощныя. По мале же времени правнучы Афетовы Скиф, Казардан отлучишася от братии своей и от рода своего от западных стран и коснушася полуденных стран и вселишася во Аксенопонт и живяху тамо многия лета. И от сих породишася сынове и внуцы, и умножишася зело, и прозвашася по имени прадеда своего Скифа Скифия Великая. И бысть между ими распря и междоусобие и крамола многа тесноты ради места. Начальнии же их родители тогда княжаху единого отца дети пяточислении, им же имена суть: 1-е Словен, 2-е Русь, 3-е Болгор, 4-е Коман, 5-е Истер. От сих же племяни во время последнее и каган сыроядец искочи, яко же греческая история глаголет. Князем убо скивским Словену и Русу мудростию и храбростию в роде своем всех превозшедшим, и начаша размышляти с подданными своими, глаголюще сице: «Или только всей вселенней, иже под нами ныне, егда несть || во жребии л. 2 праотца нашего Афета еще части земли благии ко вселению человеком угодны, слышахом бо от отцов своих, яко благословил есть праотец наш Ной прадеда нашего Афета частию земли западнаго всего и севернаго и полунощного ветров. И ныне убо, братие и друзи, послушайте совета нашего, оставим вражду нашу и нестроение, иже тесноты ради творится в нас. И подвигнемся убо от земли сея и поидем от рода сего нашего после дней света сущии во жребии прадед наших, иде же нас приведет счастье и по благословиению праотца нашего Афета». И любя бысть речь сия Словенова и Русова всем людем.

Лета 2373 Мосох, шестый сын Афетов, внук Ноев, шедши от Вавилона с племенем своим абие во Азии и Еуропе над берегами Понтического или Чорнаго моря, народи московитов от своего имени, и умножшуся народу, поступаая день от дне в полунощныя страны за Чорная моря над Доном и Волгою реками и над озером или отногою морскою Меотис, иде же Дон впадает, в полях широка селеньми своими распространиша.

Лета 3099 Словен и Рус с роды своими отлучишася от Ексенопонта и от роду своего и от братии и хождаху || по странам вселенныя, яко крылатии орли прелетаху пустыни многия, ищуще л. 2 от себе места на селение; и во многих местех почивающе и мечюще их, и нигде же не обретоша себе селения. 14 лет пустыя места и страны обхождаху, дондеже дошедша езера некоего великого, Моиска зовомаго, последи же Ирмер проименовася во имя сестры их Ирмеры. Тогда волхование повеле им наследником места того быти. И старейший Словен с родом своим и со всеми, иже под рукою его, седе на реце, зовомай тогда Мутная, последи же Волхов проименовася во имя старейшаго сына Словенова, Волхова зовома.

Лета 3113 великий князь Словен поставиша град и именоваша его по имени своем Словенск, иже ныне зовется Великий Новград, от устия великого езера Ильмера по реце Волхову полтредитья поприща. И от того времени новопришельцы скифы начаша именоватися словяня, и реку некую, во Ильмерь впадшую, прозваша во имя жены Словеновы Шелони, во имя же меньшаго сына Словенова

- Волховца проименоваша Обратною протоку, иже течет из великия || реки Волхова и паки обращается в него, больший же сын Словенов Волхов безоудняк и чародей лют бысть тогда и бесовским ухищрением мечты творя многии, и преобразуяся во образ лютаго зверя крокодила, и залегоше в реце Волхове путь водный и непокаряющихся ему овых пожираше, овых же опровержаше и потопляше. Сего ради людие тогда невелигласи окаяннаго того богом нарицаху и Грома его или Перуна нарекоша; и белоруским бо языком гром Перун именуется. Постави же он, окаянный чародей, пощных ради мечтаний градок мал на месте некоем, зовома Перыня, иде же и кумир Перун стояше. И баснословят о сем волхве невелигласи, глаголюще в боги его, окаяннаго, предтворяюще, истинно же о сем, окаянном волхве, испытно, яко зле разбиен бысть и удушен от бесов в реце Волхове. И мечтанием бесовским окаянное его тело несено бысть вверх по оной реце Волхове и извержено на берег против Волховнаго городка, идеже ныне зовется Перыня; и со многим плачем ту от невелиглас погребен бысть окаянный с великою тризною поганскою, и могилу насыпаше на нем вельми высоко, яко же обичай есть поганым. И по трех днех окаяннаго того тризница проседяся земля || и пожре мертвое тело крокодилово, и могила его проседяся с ним во дно адово, иже и доныне, яко же глаголют, знак ямы тоя не наполнится. Другий же сын Словенов Малый Волховец живяше с отцом своим во граде своем Великом Словенце. И родился Волховцу сын Жилотуг. И протока проименовася во имя его Жилотуг. В ней же утопе ¹ еще детескый. Другий же сын Словенов Рус вселися на месте некоем разстоянием от Словенска Великаго, яко стадий 50, у Соленого Студенца созда град между двумя реками и нарече его во свое имя Руса. Реку же, ту сущую едину, прозва во имя жены своей Ипорусии, другую же реку проименова во имя дщери своей Полисты. И иныи градки многии Словен и Рус поставиша и нарицаху их во имена князей своих Словены и Русии. От начала света до потопа лет 2242. От потопа до разделения язык 530 лет. От разделения язык до начала Великого Словенска, иже ныне Великий Новгород, лет 341. И живяху между собою Словен и Рус в любви велицей. И завладеша тамошних краев многими странами. По них же сынове их и внуцы княжаху по коленом своим и налезоша ба-
- л. 3 об. гатства || много мечем своим и луком, и обладаша же и северными странами и по всему Поморию, даже и до предел Ледовитаго моря и окрест желтовидных вод и зеленовидных и по великим рекам Печери и Выми и за высокими и непроходными горами во стране, рекомае Скир, по великой реке Оби и до устия Беловодных воды, ея же вода бела, како млеко, тамо беруще дорогою ценою звери, рекомаго дынки, сиречь соболи. Хождаху же и на египетския страны воевати и многое храбрство показующе во иеросалимских странах и варварских, велий страх от сих належаше. Начальницы же тогда во словянех и русех князи беша, им же имена: 1 Великосан, 2 Асан, 3 Авесхасан, кии же бяху храбрством и мудростию многих превозшедше.
- Лета 3575, в та же лета быша святыи Иев многострадальный, предвари же рождество Христово за 1925 лет, от язвы же ему имя Иев.
- Лета 4015, в та же лета быша святыи пророк боговидец Моисей, предвари же по плоти пришествие Христово за 1485 лет. Сей бысть от колена Левиина, воеводства Израилю 40 лет. ||
- л. 4 об. Лета 4058, в та же лета быша Иуса сына Наввина. Сей предвари рождество Христово за 1442 лета.
- Лета 4455, в та же лета быша святыи пророк Самуила. Самуил бе от Ексармафема Сифскаго от горы Ефремовы, сын Елканин и Аннин, от племени Левиина. Мати бо его Анна, неплодна сущи и не рождаше, и помолишася в Силоме богу, и даде ей бог сего Самоила. Егда же роди и предаде же его богу, и воспита его Илий жрец в дому господни. И суди обема на десете коленама и Израилевома лет 40, и пророчествова много, предвари же рождество Христово за 1045. И помаза Саула и Давида на царство и в глубоце старости ко господу отъиде.
- Лета 4678, в та же лета быша святыи пророк Иосия, предвори рождество Христово за 822 лета, свий от племени Исахарова.
- Лета 4684, в та же лета быша святыи пророк Илия, иже бе от колена Аароня, сын Саваков.
- л. 5. Внегда бо родися, видение виде отец его: мужие белообразни беседоваху с ним и огнем || повиваху детище, и пламень даяху ему ясти. Сей Илия предвари рождество Христово за 816 лет, проро-

¹ Переделано из утопи.

чествова же лет 25, много чудеса сотвори: огонь с небеси трижды сведе; небеса не дождити три лета и месяцев 6 затвори, и мертвова воздвигнув, двое пятидесятиц попали студныя священники закла бога, елико мощно, паки бяше виде Иордан реку раздели, и колесницею огненною на небеса вознесен, сугубу благодать Елисею оставль, и на Фаворе в преображение Христу представ, со Енохом прийти имать.

Того же году, в та же лета быша святыи пророк Елисей, быв от племени Рувимова, сын Сафатов, предварив рождество Христово за 816 лет.

Лета 4700, в та же лета быша святыи пророк Исайя. Исай бе племени царска, сын святого пророка Аммоса, предвари же рождество Христово за 800 лет. Прегрен бысть пилюю от Манасии, царя иудейска.

Того же году, в та же лета быша святыи пророк Иона. Сей предвари рождество Христово за 800 лет.

Того же году, в та лета быша святыи пророк Иоиль, || предвари рождество Христово за 800 лет. л. 5 об.

Того же году, в та лета святыи пророк Авдий, иже предвари рождество Христово за 800 лет.

Того же году, в та же лета быша святыи пророк Иона. Сей предвари рождество Христово за 800 лет.

Лета 4701, в та же лета быша святыи пророк Аммос, бяше отец Исай пророка, родися ф Фекуи, земли Завулони, пророчествова же 15 лет, предвари же рождество Христово за 799 лет, налицею от царя убиен бысть.

Лета 4880, в та же лета быша святыи пророк Иеремия, предвари рождество Христово за 620 лет, бе же от племени Левиина.

Лета 4885, в та же лета быша всиа вселенныя тогда самодержец Александр, царь македонский, сын Филиппа, царя македонскаго; от прежереченных же словенех и русех, от всех стран жалостен слух самому самодержцу во уши возгреме. Премудрый же самодержец, пресветлый Александр царь нача размышляти с подданными своими, рече: «Что сотворити подобает с сими сыроядцы, ратьми ли ополчитися многими и разбити и покорити их || в вечную работу?» Но неудобно се- л. 6
му быти, никако же зельнейшаго дальнаго разстояния пути и неудобь проходных морских вод и превысоких гор. Но абие посылает к ним з дары многими и писание, многими похвалами украшено. И самого царя высокодержавною десницею златыми писмены подписано писание сицево: «Александр, царь царем и над цари бич божий, презвитяжный рыцарь, всего света облаадатель и всех, иже под солнцем, грозный повелитель, непокорным же яростный меч, всего света царь честнейшим над честнейшими в дальном разстоятельном и незнаемом крае вашем. От нашего величества честь, мир и милость вам и по вас храброму народу словенскому, славнейшему колену, руским князем и владельцом от моря Варяжскаго даже до моря Хвалынскаго, велебным и милым моим, храброму Великосану, мудрому Асану, счастному Авесхану вечно поздравляю, яко самех вас лицом к лицу, целую и сердечне приемлю, яко други по сердцу моему. И сию милость даю вашему величеству: аще каковый народ вселится в пределах вашава княжества от моря Варяжскаго даже до моря Хвалынскаго, да будет вам и роду вашему подлежими вечней работе. Во инныя же пределы отнюдь || да не вступит нога ваша. Сие достохвальное дело замнено нашим листом и подписано царскою л. 6 об.
высокодержавною правицею, и за природным нашим государским златокованным гербом привешенным дано вашей чесности в вечность в месте нашего дела, в велицей Александрии, изволением великих богов Марша и Юпетера и богинь Венеры и Венусы месяца примоса начальнейшаго дня». Припись царския руки верху строк златыми писмены написано: «Мы, Александр, царь царем, над цари бич, сын великих богов Юпетера и Венуса в небе, земски же Филиппа, сильнаго царя, и Алемпияды царицы, нашу высокодержавною рукою утверди их вечно».

Сии же князи словенорустии, иже таковыя великия чести сподобихася от самодержца прияти, и сию пречеснейшую епистолию почиташа вельми, и обесипаша ю в божнице своей по правую страну идоле Велеса, и чесно поклоняхуся ей, и празник честен творяху в начальный день месяца примоса.

Лета 4894, в та же лета быша святыи пророк Михай, пророк бе от племени Ефремля, сын Иосифа, един сын, от 16 пророк, предвари же рождество Христово за 606. И убиен бысть от л. 7
сына Ахавля царя, прорече же о рождестве Христове, глагола: «Ты, Вифлиеме земле Иудова, ни-

чим же меньши еси во владыках Иудовах, ис тебе бо изыдет вождь, иже унасет люди моя и Изра-
иля».

Лета 4900, в та же лета быша святыи пророк Софония. Софоний бе племени Семноня, пред-
вари рождество Христово за 600 лет.

Лета 4942, в та же лета бысть святыи пророк Наум, племени Семноня, предвари рождество
Христово за 558 лет, пророчествова же по Ионе пророце на Невию погибнути.

Лета 5030, в та же лета быша святыи пророк Агей, от племени Левиана, рожден в Вавилоне,
пророчества же со Захариею лет 36, предвари же рождество Христово за 470 лет.

Лета 5040, в та же лета быша святыи апостол и евангелист Лука. Сей родом аянтиохиянин, бе,
написав же евангелие по 15 летех по вознесении Христове, проявленная пророку Иезикиелю во
образе тельчи прежде рождества Христова за 460 лет. ||

л. 7 об. Лета 5040, в та же лета быша святыи пророк Захарий Сарповидец, племени Левиана, пред-
вари рождество Христово за 460.

Того же году быша святыи пророк Аввакум, иже от колена Симеоня, предвари ро-
ждество Христово за 460 лет.

Того же году быша святыи пророк Даниила. Даниил пророк бяше колена Иудова, царска
рода, и млад сый пленен в Халдейскую землю, пророчествова лет 70, предвари же рождество Христо-
во за 460 лет.

Лета 5074, в та же лета быша святыи мученицы Минодоры и Митродоры, и Нимфодоры.

Лета 5083, в та же лета быша святыи пророк Иезикииль. Иезикииль бе от колена Левиана,
предвари рождество Христово за 417.

Лета 5100, в та же лета быша святыи пророк Малахий, иже родился по возвращении от пле-
на, предвари рождество Христово за 400 лет.

Лета 5327 страдание святыи мученик седми братий по плоти Макковей, их же имена суть сия:
Авим, Антонин, Гурий, Елиозар, Евсеон, Алим, Маркел, и матери их Соломания, и учителя их
л. 8 Елеозора. Мученицы пострадаша прежде рождества Христова за 173 лета || в царство Антиоха сына
Селевкиина.

Лета 5485, зачатие святыи и бога праматере Анны, егда зачать святыю богородицу по анге-
лову благовещению.

Лета 5486, родися пресвятая богородица от колена Иудова, от рода царска, от Акима и Анны
во граде Назарете.

Лета 5499 сентября в 23 день зачатие святого и славнаго пророка и предотечи крестителя
господня Иоанна.

Того же году благовести архангел Гавриил пресвятей богородице плотию зачатие во чреве
сына божия в неделю в 5 часу дне.

Лета 5500 году родися господь наш Исус Христос во царство Августа кесаря в Вифлием
Иудейством в 42-е лето царства его, в пяток в 7 часу ноци. И бысть совершен человеку. Богородица
же Мария и по рождестве паки девою бысть, и в 8 день паки обрезаша отроча, и нарече имя ему
Исус. И паки возвратишася в Назарев, и в 40 день принесоша его в церковь господню по обычаю
законному, и прият его старец Семпон, и благослови его. По дву же летех приидоша волсви з дары
л. 8 об. в Вифлием поклонитися господу, || принесоша дары бе ливан, яко богу, злато, яко царю, змирну,
яко за мир умрети хотяще.

Лета 5502 приидоша от Персиды волсви поклонитися господу и принесоша ему дары ли-
ван, яко богу, злато, яко царю, змирну, яко умрети хотящу ему. И от ангела весть приимше, инем
путем отъидоша во страну свою.

Лета 5530 генваря в 6 день крестися господь наш Исус Христос от Иоанна во Иердани реце
против недели в 7 часу ноци.

Лета 5532 усечена бысть глава Иоанна Крестителя от Ирода царя, бе же Иоанн тогда лет
31 и 2 месяца, в Севастополии, отстоявшу от Иеросалима дне пути, несом же глава Иоанна
спекулятарем на вечере на блюде, и глаголаше глава ко Ироду и по отсечении: «Не достоит ти
имети жены Филиппа, брата своего». Оле чудо: и по смерти праведник жив есть! Ученицы же взем-
ши мощи его и погребоша. Иродия бо взем главу его и сокры в дворце своем. Ведомо да будет:

яко в кий день прилучитца усекновение главы празник, отнюдь мяса и млека не ясмы, ни рыбы.

Лета 5533 марта в 30 день распяты господь наш Исус || Христос в 33-е лета возраста своего, л. 9 индикта 10-го, марта в 30 день, в пяток в 6-м часу дни, бе же тогда паска жидом в субботу марта в 31 день.

Лета 5541-го, по рождестве Христове 41-го, в то же лета быша святого священномученика Корнилия сотника, его же крести Петр апостол.

Того же лета страдание святого и всехвальнаго апостола Иякова, брата святого Иоанна Богослова, иже от Ирода царя во Иеросалиме во главу усечен бысть, в царство Клавдиана, второй мученик по святем Стефане бысть.

Лета 5557 усение пресвятыя владычцы нашея богородицы и приснодевы Марии, на погребении ² же ея быша со святыми апостола Деонисий Ареопагитский и Тимофей, ученика святого апостола Павла, и Ерофий, афинский епископ.

Того же году пострадаша святыя мученики Назария, Гервасия, Протасия и Келисия в царство Нероново.

Лета 5559, в та же лета быша святыи апостол Карп, един от седмидесяти, в царство Нерона.

Лета 5564 преставление святого и всехвальнаго апостола и евангелиста Марка, ученика апостола Петра, в царство Нероново. ||

Лета 5565, в та же лета быша святыи апостол Акила, един от 70 апостол, ученик святого л. 9 об. апостола Павла.

Лета 5567 Павел апостол мечем скончася во второе лето по Петре апостоле при Нероне цари, а в проповеди сотвори 35 лет; и погребен бысть у святого Петра апостола.

Лета 5568 пострадаша святыи апостол Филимон и иже с ним святыи при Нероне царе, ученицы суще Павла апостола.

Лета 5569 святыи Петр апостол распят быв стремглав, ради преодоления Симону волхву в чудесех своих, от Нерона кесаря.

Того же году страдание святыи апостол Аристарха, Пудии, Трофима в царство Нерона.

Того же году страдание святыи апостол Ассона и Сосипатра. Ассон и Сосипатр беста ученики Павла апостола, в царство Нероново много озлобления и муки подъяша от неверных.

Того же году пострада святыи апостол Архиш, ученик святого апостола Павла, иже каменiem побиен бысть в Колосаех от идолослужитель, в царство Нерона царя. ||

Лета 5570 пострадаша святая мученица Фотиния Самаряныня в царство Нероново, много и л. 10 различных муки претерпевши за Христа.

Лета 5573 страдание святого мученика Леонтия в царство Еусписияна от Еллады, на четверо ротяжен и биен бысть, к богу дух предаде.

Лета 5579, в та же лета быша иже во святыи отца нашего священномученика Климонта, папы римскаго, в царство Диминтияново, родом римлянин, племени царска, ученик же апостола Петра.

Лета 5585 страдание святого священномученика Антипы, епископа Пергама Асийскаго, иже благодать имать от бога целити болезнь зубную. Антипа бе в царство Доментияна, ученик Иоанна Богослова, от идолослужитель в вол медный розжен ввержен бысть, и тако скончася.

Лета 5593, в та же лета быша святыи священномученик Деонисий Ареопагит, ученик святого апостола Павла, и [от] посланных от царя Доментияна слуг его в граде Парсии посечен бысть с прочими святыми. Деонисий Ареопагит сам свою главу, аки некую почесть в руки прием, аки некую почесть до места довольнаго проиде несоша два || поприща, и не остави преже даже божественным промыслом; с ним жена сретесе именем Натуля, в руке ея аки некое сокровище вложи; жив лет 90. л. 10 об.

Лета 5600 страдание святого великомученика Евстафия и иже с ним. Евстафий бяше воевода римский. Сей много терпения в искушениях подобно Иеву различие понес, венцем страдания увязеся.

Лета 5601 страдание святого апостола Кондрата, иже в Магниси. Кондрат епископ в Магниси бе от Афин мучен, скончася мечем.

² Далее добавлено и.

Того же году страдание святого мученика Евдоксия и иже с ним 1104, пострадавших при Трайяне царе.

Лета 5602, в та же лета быша святыи священномученик Фока, епископ сивонийский.

Лета 5606 страдание святыи мученик Прокла [и] Илария в царство Трайяна, от страны Каллипы беша. Близ Агкиры Прокл стрелами разстрелян быв и скончася, Иларий же мечем посечен бысть.

Лета 5608 страдание святого мученика Иакинфа, бывшу вувикulario, сиречь коморного слуги, Тройана царя, иже голодом уморен бысть от того же Тройана царя. ||

л. 11 Лета 5609, в та же лета быша святого священномученика Игнатия Богоносца, архиепископа антиохийскаго. Сей второй по Евводе в Антиохии патриархом поставлен бысть.

Того же году пострада Игнатий Богоносец, в Риме съеден бысть ото львов; и от ученик своих во Антиохию ко престолу своему принесен.

Лета 5610 преставление святого апостола Тита в царство Тройана. Тит бяше Критскаго острова, ученик бе апостолу Павлу, бяше же летом минувшим двадцатым, внигда от Крита доиде во Иеросалим и научися вере Христове.

Лета 5618, в та же лета бывшей святыи мученицы Акилины в царство Трайяна от града Вивла Палестинскаго, крестися пяти лет сущи, десяти же лет пострада за Христа, рожны железными уши ея провертеша и потом мечем скончася.

Лета 5620, в та же лета бывшего святого священномученика Елеуферия, в царство Андреяне от града Римскаго дву десяти лет поставлен сый бысть в епископы, многими муками истязан бысть, последи от дву воин убиен бысть повелением царя. ||

л. 11 об. Лета 5622 страдание святыи мучениц Веры, Надежды, Любве. Мучени же суть от Андриана, кесаря римскаго, наводжением Антиоха, анфиата римскаго. Мати же их не мучена, три дни приседяше у гроба дочерей своих, молящися и к ним преставися.

Лета 5641 страдание святого великомученика Феодора, иже в Пергии, в царство Антониново обладатель бысть Панфилиския страны, Христа ради зело биен бысть и в печь огненную ввержен, и на кресте пригвожден, и, три дни висев, скончася.

Лета 5641 страдание святыи мученицы Гликерии. В царство Антониина, при гемоне Савине, зверем на снесь вдана бысть, и тако скончася.

Того же году быша святыи священномученик Ермей в царство Антониново.

Лета 5642, в та же лета быша святыи мученик Иустин Филосов в царство Антониново от страны Сирския, вельми бе премудр философ.

Лета 5643 страдание святого священномученика Поликарпа, епископа смирскаго, иже Христа ради огнем сожжен бысть в царство Антониново.

л. 12 Лета 5660 пострада святая преподобнамученица || Евдокия в царство Тройяна и пострада от игемона Дногена.

Лета 5663 принесение образа пречистые богородицы Владимирския ис Царяграда в Киев град.

Лета 5698 пострада святыи мученик Харламний в царство Севира мучителя от игемона Лукьяна, во граде Магнися мечем скончася.

Лета 5700 страдание святыи великомученицы Христины. Христина мученица дщи бяше Урвана Стратилата, от него же и пострада доблественно, от Диона же мучителя и от Иулияна на древе повешена и устрелена в царство Севира.

Лета 5701 страдание преподобнаго отца нашего Стефана Саваита, иже пострада в царство Севира.

Лета 5705 страдание святого священномученика Иринея, епископа Лугдунскаго, иже бысть свастольник святыи апостол, его же глаголют многия книги от церкви отставити, пострада же в царство Севира.

Лета 5708, в та же лета быша преподобный Анисим, Анисим же бе при Диоклитиане царе.

Лета 5713 пострада святая мученица Стефанида. ||

л. 12 об. Лета 5718 пострада святая мученица Татьяна со отцем своим. Татьяна бяше старого Рима в царство Александрово, ея же отец третий ипат быв, по многих муках мечем скончася.

Лета 5733 от роспятия Христова минуз 200 лет, обрети крест Христов царица Елена Иудею жидовином, в горе насыпана землею.

Лета 5755 страдание святого священномученика Киприана и святых мученицы Иустины, иже беста при царе Декии. Киприан бе быв прежде вохв, и потом уловлен бысть в Христову веру святою Иустиною девицею, и поставлен бысть епископом во Афинех, и со святою Иустиною девицею мечем скончася.

Того же году страдание святого мученика Полиекта в царство Декия и Валериона, чином воин града Мелетия, мечем скончася за Христа.

Того же году страдание святого мученика Лаврентия архидиякона ³. Лаврентий быаше в царство Декия и Валериана ⁴. В Риме Христа ради на скаврде разженне скончася.

Того же году страдание святого мученика Исидора в царство Декия. Исидор бе от Александреиска града чином || воин, по многих муках мечем за Христа скончася.

л. 13

Лета 5755 страдание святого мученика Мирона в царство Декия, по многих муках мечем главу его отсекоша.

Того же году страдание святых мученик Терентия и Помплия и иже с ними во царство Декия, чином воин от Африкии, суще за Христа мечем скончася.

Того же году, в та лета быша святого мученика Меркурия в царство Декиево, воин сый от Восточных страны, смн некоего ⁵, родом скифянина.

Того же году быша святой мученик Парамон при Декии царе, кошии и тростием збоден быв, скончася.

Того же году страдание святого мученика Севериана во царство Декия. Сей бысть воин града Севастия.

Того же году, в та лета быша святых апостол Стахия и Амплия, и прочих, и святого мученика Епимаха.

Того же году страдание святых мученик Галактиона и Епистимии. Сия мучена беста в царство Декиево.

Того же году страдание святых мученик Карпа и Папилы от Декия царя.

Лета 5756 пострада святой мученик Юнан градар от игемона Помплия в царство Декиево.

Того же году пострада святой великомученик Трифон || от Акилина в царство Декия му- л. 13 об.
чителя, по разных муках мечем скончася.

Того же году страдание святых мученик Фирса и Левкия при Декии царе от страны Никомидийския, яже в Вифинии.

Того же году страдание святых мученик десети, иже в Крите, при Декии царе.

Того же году пострада святая мученица Агафия от Евнугиана игемона в царство Декия мучителя, скончася в темнице.

Того же году быша святая преподобнамученица Анастасии Римляныни.

Того же году пострада святой мученик Кондрат и иже с ним в царство Декия, родом коринфене, по многих муках мечем скончася.

Того же году страдание святого мученика Христофора в царство Декиево, мечем скончася.

Лета 5759 страдание святого мученика Ферапонта в царство Иулияна. Мучен бысть от Иулияна князя, иже связана затвори его в темнице; по сем ис темницы изведен бысть, и близ реки повергше ево войны в знак и растягоша к четырем колам по земли, биев бысть || крепко, от крове же его напившиися земля, и прозябе колы в древие великие зело; по сем приведен бысть во Фракию блив реки Ерма, и туво многи вложен бысть муки и за озлобления мучения прият венец от страстоположника Христа.

л. 14

Лета 5760 страдание святого мученика Никифора в царство Уаллериана.

Лета 5761 страдание святого священномученика Ипполита, папы римскаго, в царство Клавдиево, по многих муках в глубину морскую ввержен бысть, и тако скончася.

³ В рукописи архи Лаврентия диякона.

⁴ В рукописи Уларяна.

⁵ Далее оставлено чистое место.

Лета 5770, в та же лета быша святыя преподобномученицы Евгении. Евгения бе в царствѣ Комоново дщи Филиппа, епарха римскаго; утаивши же ся отца своего и преобразивши себя в мужа, отъиде в монастырь мужеский со двема скопцема, иде же и крещение получи, и мнишескому чину сподобися; потом в Рим приведена бысть с материю и со двема братома своима скопцема Протасием и Иавкимом, и мечем вси скончашася за Христа.

Лета 5770 страдание святыя великомученицы Марины. Марина от Антиохии писидцкия, дщи Едесия, верей идола, 15 лет христиана бысть, и мучена за Христа Олимпврием епархом, и по многих муках мечем скончася. ||

л. 14 об. Лета 5775 страдание святаго священномученика Мефодия, епископа⁶ патарскаго, во дни пераго помеснаго собора в царство Аврелияна.

Того же году страдание святыя мученицы Агрипины в царство Иуалериана.

Того же году пострада святой мученик Мамант при Аврелияне царе.

Того же году, в та лета быша иже во святых отца нашего Григория, епископа кесарийскаго чудотворца, в царство Аврелианово.

Лета 5776 страдание святаго мученика Филумена, иже бе при Аврелияне Ликаонския страны, чином жито продавец, оболган бысть, Филаксу игемону христиана себе исповеда; и пронзаша главу ему и руже и нозе, и при десять поприць гоним, предаде дух свой господеву.

Того же году быша святых мученик Павла и Улиянии в царство Амврилияне.

Того же году быша преподобны отец наш Харитон Исповедник, живша и пострадаша в царство Аврелияне, мучен, представшу же гонению, отпущен бысть, и создав обитель велику, преставися мирно. ||

л. 15 Лета 5778, быша в та лета святой мученик Лукиллиан тарсянин иже с ним во времена Аврелияна царя.

Того же году страдание святаго мученика Савы Стратилата в царство Аврелияне, родом готфин, по многих же муках в реку ввержен бысть, и тако скончася.

Того же году страдание святаго священномученика Луипа в царство Аврелияне.

Лета 5782 страдание святых мученик Трофима, Савватия и Доримента в царство Провова.

Лета 5784 страдание святых чудотворец безсребреников Козьмы и Дамияна, иже в Риме пострадавших в царство Карина.

Того же году страдание святаго мученика Фалелоя в царство Нумериане, сын отца Верикия и матере Иромиллии, во Едесе Егеюлстем граде мечем главу его отсекоша.

Того же году, в та же лета бысть святой мученик Хрисанф и Дария в царство Нумериане. Хрисанф сын бе Полемонов, сиеклетика александрийскаго, Дария же афинянка. Мучими быше Клавдием Трнулом. Последи и сам Клавдий верова з женою и с чады, и ввержени быша во глубину

л. 15 об. морскую. Хрисанф же || и Дария ввержени быша в ров и засыпаны землею, и тако скончашася

Лета 5785 страдание святых мученик и безсребреник Козьмы и Дамьяна, иже от аравит. во Евгении от Ласия и игемона.

Лета 5786 страдание святых мученик две тмы, иже в Никомидии соуженных в церкви в царство Диоклитияна и Максимияна.

Того же году страдание преподобнаго отца нашего и чудотворца Тита и святых самобратных мученик Амфияна и Едесия, пострада при Максимияне.

Лета 5788 пострада царь Константин в царство Диоклитияне.

Того же году страдание святыя преподобномученицы Пелагии. Пелагия быше в царство Диоклитияне от Тарса Киликийскаго, обручена бе сыну цареву и не восхотевше, мучена бысть Христа ради исповедания, в вол медян разжен ввержена, и тако скончася.

Того же году страдание святых мученик Фотия и Аникиты. Сия беста от Никомидии града Родостоля во время Диоклитияна, братия по плоти, строгони быша, и огнем жгоми, и по многих томлениях || в печь огненную, люте распалену, ввержени, скончашася.

л. 16 Того же году, в та лета святаго мученика Диомида в царство Диоклитияне от града Тарса Киликийскаго.

⁶ В рукописи епископа.